


蘓詩補註

卷廿三至卷廿六



蘇詩補註

卷之六



東坡先生編年詩卷二十三

後學查慎行補註

姪男開校刊

古今體詩四十四首

元豐甲子四月離黃州五月至筠七月過金陵作

別黃州

病瘡老馬不任韉猶向君王得敝幃
桑下豈無三宿戀尊前聊與一身歸
長腰尙載撐腸米潤領先裁葢瘰衣
投老江湖終不失來時莫遣故人非

葢瘰衣

汝州人多瘰先生特量移汝州故第六句云

過江夜行武昌山上聞黃州鼓角

清風弄水月銜山幽人夜渡吳王峴
黃州鼓角亦多情

送我南來不辭遠江南又聞出塞曲半雜江聲作悲健
誰言萬方聲一槩鼉憤龍愁爲余變我記江邊枯柳樹
未死相逢真識面他年一葉沂江來還吹此曲相迎餞

吳王峴

水經注樊口之北有灣昔孫權裝大船與羣臣汎江津值風起權欲西
取蘆洲谷和不從乃令取樊口船至岸而敗因鑿樊山爲路以上人卽
名其處爲吳造峴在樊口上一里今缺處尙存太平寰宇記吳造峴在鄂
州一百七十里徧考地志無吳王峴之名當卽吳造峴而俗呼吳王峴耳

慎按以上二首施氏原本編上卷之末今改編

岐亭五首

并引

元豐三年正月余始謫黃州至岐亭北二十五里山
上有白馬青蓋來迎者則余故人陳慥季常也爲留
五日賦詩一篇而去明年正月復往見之季常使人

勞余於中途余久不殺恐季常之爲余殺也則以前
韻作詩爲殺戒以遺季常自爾不復殺而岐亭之人
多化之有不食肉者其後數往見之往必作詩詩必
以前韻凡余在黃四年三往見季常季常七來見余
蓋相從百餘日也七年四月余量移汝州自江淮徂
洛送者皆止慈湖而季常獨至九江乃復用前韻通
爲五首以贈之

昨日雲陰重東風融雪汁遠林草木暗近舍烟火濕下
有隱君子嘯歌方自得知我犯寒來呼酒意頗急撫掌
動隣里遶村捉鵞鴨房櫓鏘聲疏果照巾幘久聞夔

高美初見新芽赤洗盞酌驚黃磨刀削熊白須與我徑
醉坐睡落巾幘醒時夜向闌唧唧銅餅泣黃州豈云遠
但恐朋友缺我當安所主君亦無此客朝來靜一作坐菴中
惟見峰巒集

驚鵲

施氏原注驚石本作雞

朋友缺

毛詩疏伐木廢則朋友缺矣

我哀籃中蛤閉口護殘汁又哀網中魚開口吐微濕剗
腸彼交病過分我何得相逢未寒溫相勸此最急不見
盧懷慎烝壺似烝鵲坐客皆忍笑髡然發其鬣不見王
武子每食刀几赤琉璃載蒸狔中有人乳白盧公信寒
陋衰髮得滿幘武子雖豪華未死神已泣先生萬金璧

護此一蟻缺一年如一夢百歲真過客君無廢此篇嚴

宋刻本作聚者訛

詩編杜集

盧公寒陋

唐詩盧懷慎傳清儉不營產業既屬疾宋璟盧從愿候之日晏設丞豆兩器菜數杯而已按丞壺乃鄭餘慶事先生偶誤用耳

嚴詩杜集

許彥周詩話東坡贈季常詩末云君勿棄此篇嚴詩編杜集謂嚴武也工部集中有武唱和數首

君家蜂作窠歲歲添漆汁我身牛穿鼻卷舌聊自濕
年三過君此行真得得愛君似劇孟扣門知緩急家有
紅頰兒能唱綠頭鴨行當隔簾見花霧輕羃羃爲我取
黃封親拆官泥赤仍須煩素手自點葉家白樂哉無一
事十年不蓄幘閉門弄漆丁哇一作談笑雜呱泣西方正苦
戰誰補將帥缺披圖見八陣合散更宋刻本公自注平聲主客不須

親戎行坐論教君集

葉家白

建溪茶名
注別見

酸酒如醞湯甜酒如蜜汁三年黃州城飲酒但飲濕我
如更揀擇一醉豈易得幾思壓茆柴禁網日夜急西鄰
推宋刻本
作椎甕盎醉倒猪與鴨君家大如掌破屋無遮幕何

從得此酒冷面妬君赤定應好事人千石供李白爲君
三日醉蓬髮不暇幘夜深欲踰垣臥想春甕泣君奴亦
笑我髭齒行禿缺三年已四至歲歲遭惡客人生幾兩
屐莫厭頻來集

飲酒

一作乏酒見張
耒宛邱集注中

枯松強鑽膏槁竹欲瀝汁兩窮相值遇相哀莫相濕不
知我與君交游竟何得心法幸相語頭然未爲急願爲
穿雲鵲莫作將雛鴨我行及初夏煮酒映疎冪故鄉在
何許西望千山赤茲遊定安歸東泛萬頃白一歡寧復
再起舞花墮幘將行出苦語不用兒女泣吾非固多矣
君豈無一缺各念別時言閉戶謝衆客空堂淨掃地虛
白道所集

疎冪

周禮冪人以疎
布巾冪八尊

初入廬山三首

青山若無素偃蹇不相親要識廬山面他年是故人

公肩
出山

南山面也

廬山

水經注王彪之廬山賦序廬山彭澤之山也周景式記云匡俗周威王時人廬於此山世稱廬君故山取號焉非實証也海內東經曰廬江出

三天子都入江是有廬江之名山水相依互舉殊稱名不因匡俗始元和郡縣志廬山在潯陽縣東三十二里本名鄣山昔匡俗字子孝隱淪於此漢武帝拜爲大明公太平寰宇記匡俗周武王時人兄弟七人皆有道術結廬於此仙去空廬尚有故曰廬山。慎按一匡俗也或以爲周威王時人或謂武王時人或謂漢武時人紀載互異無從攷正故備錄之

自昔懷清賞神游杳靄間
如今不是夢真箇是廬山
芒屨青竹杖自挂百錢遊
可怪深山裏人人識故侯

贈東林總長老

溪聲便是廣長舌山色豈非清淨身
夜來八萬四千偈他日如何舉似人

東林廬山志繙經臺南下為東林寺晉沙門惠遠之道場本律寺也其後禪學興禪者乃繼居之高僧傳惠遠姓賈雁門樓煩人出家從道安於恒

山後至潯陽始住龍泉精舍時惠永居在西林要遠同止永謂刺史桓伊所棲褊狹不足相處桓乃為遠於山東更立房殿即東林也

總長老僧寶傳照覺禪師常總劍州尤溪施氏子年十一出家後得法於黃龍南元豐三年升東林為禪寺請師住持為東林第一代祖師元祐四年賜號照覺大師

廣長舌法華經如來神力品世尊於一切眾前現大神力出廣長舌彌陀經出廣長舌說誠實言

清淨身法華經功德品受持是經得八百身功德得清淨身如淨琉璃

八萬四千偈楞嚴經能說無邊秘密神咒其中或現一首二首五首七首九首十一首如是乃至一百八首千首萬首八萬四千爍迦羅首

題西林壁

橫看成嶺側成峯遠近高低各石刻作不一本作同不識廬

山真面目只緣身在此山中

西林廬山紀事遠公塔西北為香谷南下為西林寺故沙門竺曇現之禪室也竺死其徒惠永自太行至潯陽就居之陶範為立寺曰西林事詳歐

陽詢西林寺碑惠

永姓繁河內人

山真圓通禪院先君舊遊也四月二十日晚至宿焉明
日先君忌日也乃手寫寶積獻蓋頌佛一偈以贈
長老僊公僊公撫掌笑曰昨夜夢寶蓋飛下著處
輒出火豈此祥乎乃作是詩院有蜀僧宣逮事訥
長老識先君云

石耳峯頭路接天梵音堂下月臨泉此生初飲廬山水
他日徒叅雪竇禪袖裏寶書猶未出夢中飛蓋已先傳
何人更識嵇中散野鶴昂藏未是僊

圓通禪院

廬山紀事甘泉口西爲圓通山山南有圓通寺本潯陽人侯氏
之居李後主取爲功德院初名崇勝寺宋太祖朝賜名圓通崇

勝禪寺中
有宋碑
先君舊遊
（圓通事實嘉祐中老蘇與二子寓圓通寺僧為建一翁二季亭後改蘇亭。按子由贈順長老詩序

云轍幼侍先君聞嘗游廬山過圓通見訥禪師流連久之云云則老蘇游圓通時二子未嘗從也寺志不足据
忌日
歐陽永叔所作蘇明允墓志公

卒於治平三
寶蓋
（維摩經爾時毘耶離城有長者子名曰寶積與五百長者子俱持七寶蓋來詣佛所頭面體足各以其蓋共供養佛

佛之威神令諸寶蓋合成一蓋編覆三千大千世界而此世界廣
僊公
（圓通長之相悉於中現長者子寶積於佛前以偈讚云云偈長不具錄

紀勝集可僊禪師行錄云師諱真覺字可僊嶺南人游歷諸門偶居江州郡守
李
某請住圓通東坡先生訪之師於先一夕定中見空現一寶蓋霞光匝地繞

獻師前次日公果至獻詩云云後序云圓通乃先君舊游地追念
訥長老
音容蔑以為悼謹書寶積菩薩獻蓋一首綵幡一對以資冥助

賢僧傳居訥梓州東川蹇氏子出家徧游荆楚至襄州榮禪師處密契心印游
廬山
道望日重南康守程師孟請住圓通皇祐元年京師新建淨因禪院召往

住持稱目疾
石耳峯
（廬山志馬耳峯西南為石耳峯其峯峭厲後山尤聳拔王梅溪詩集自注云峯多石耳故名

固辭不起
梵音
（圓通事實寺中有夜話亭清音亭歐陽永叔與居訥談道處或云梵音堂即清音亭

堂
子由在筠作東軒記或戲之為東軒長老其壻曹

蘇詩補註卷二十三
煥往筠余作一絕句送曹以戲子由曹過廬山以
示圓通慎長老慎欣然亦作一絕送客出門歸入
室跌坐化去子由聞之仍作二絕一以答余一以
答慎明年余過圓通始得其詳乃追次慎韻

君到高安幾日回一時斗

一作抖

擲舊塵埃贈君一籠牢收

取盛取東軒長老來

公自注子由送曹詩

附慎長老和詩

東軒長老未相逢已見黃州一信通何必揚眉資
目擊須知千里事同風

附子由和詩

東軒只似虛空樣何處人家籠解盛縱使盛來無
處着雪堂自有老師兄

大士何曾有生死小儒底處覓窮通偶留一映千山上

散作人間萬竅風

公自注予
次慎韻

一映

莊子道堯舜於戴晉人
之前猶劍首之一映

附子由答慎詩

擔頭挑得黃州籠行到圓通一笑開却到山前人
已寂亦無一物可擔回

余過溫泉壁上有詩云直待衆生總無垢我方清
冷混常流問人云長老可遵作遵已退居圓通亦

作一絕

石龍有口口無根自在流泉誰吐吞若信衆生本無垢

此泉何處覓寒溫

溫泉

周景式廬山記主簿山在胡郎廟南數里山下有溫泉穴口圍丈許沸泉涌出如湯豫章古今記輔山有一泉其一常溫廬山紀事隘口東南

爲黃龍山北麓有二池水曰溫泉井尙有存者皆沒于水中其無井處有沸泉東一池尤熱西池水稍深又有他水來雜之故其冷者三之一太平寰宇記廬山有黃龍山有黃龍湯院清冷混常流正宗紀云二十五祖婆舍斯多尊者初至中天竺有湯泉師以爲神業所致焚香臨水爲其懺悔現

一長人前禮尊者已而遂隱

可遵

冷齋夜話福州僧可遵好作詩曰某所長以益人叢林貌禮而心不然之嘗題詩溫

後七日其水果清冷如常泉

泉壁間云云遵

石龍

廬山紀事溫泉寺僧常鑿石爲龍首以出泉今廢

自是愈自矜代

世傳徐凝瀑布詩云一條界破青山色至爲塵陋

又僞作樂天詩稱羨此句有賽不得之語樂天雖

涉淺易然豈至是哉乃戲作一絕

帝遣銀河一派垂古來惟有謫僊詞飛流濺沫知多少
不與徐凝洗惡詩

瀑布

太平寰宇記瀑布在廬山東亦名布水源出高峯挂流三百丈許遠望如匹帛常有徐凝題詩云云

書李公擇白石山房

偶尋流水上崔嵬五老蒼顏一笑開若見謫僊煩寄語

匡

一作康

山頭白蚤歸來

白石山房

本集李氏山房藏書記李公擇少時讀書於五老峯下白石菴之精舍公擇既去山中之人思之指其所居爲李氏山房淮海

集李公擇行狀云元祐中進士甲科神宗哲宗兩朝累官御史中丞少時讀書於白石菴後雖出仕而書藏山中每得異書輒益之至九千卷廬山紀事舍鄱口西爲寶陀巖有僧舍曰楞伽院院內有白石菴卽李公擇讀書處也公擇在朝時以詩寄菴端老曰煩師爲掃山中石待請歸時欲醉眠然竟不克歸